







眼科新書卷之三

目錄

角膜病篇第六

角膜曇暗

角膜翳

角膜膿瘍

角膜瘻

角膜皺縮

角膜水疱

眼球病篇第七

角膜污點

角膜葡萄腫

角膜潰瘍

角膜創

角膜膿疱

角膜肉粒

晴侯氏曰

眼球減耗

牛眼

眼球突出

眼球癌

眼球緊急

眼球瞶動

剛膜創

眼球脫失

眼目過多

蒲桃膜病篇第八

瞳孔濶大

瞳孔收小

瞳孔縮閉

蒲桃膜附著

蒲桃膜突出

蒲桃膜創

瞳孔變形

瞳孔異常

瞳孔不定

瞳孔不動



膜陷沒若誤用膽礬劑以令角膜凝固等亦發之  
角膜少為曇暗者視力之弱也其全然者成盲也其半然  
者視物亦半也

看法

其一少為曇暗症 此症則角膜為曇暗不甚也故視力  
之弱而其視物也如雲隔如煙遮彷彿不分明也此類猶  
可治

其二全為曇暗症 此症則角膜悉為黃色或為白垩色  
而全成盲也此類為難治既經久者為不治然若彼此為  
淡青色或見如霧斑點者則宜試投之藥劑或有成復明

之功者夫

類證

其一角膜焮腫症 此症則由荏苒持久之焮腫眼所發  
也

治法 施刺絡用下劑及貼羌膏膏於項外用瞻礬水或  
金公水效

其二自然症 此症則不係他病因所自發也

治法 內服導泄劑即悉鳩烏答白頭翁煎附錄及用異  
効鹽附錄升汞丹礪砂等其間更行下劑而外施以滌除方  
便宜撰用所左列之方法也

第一散末劑 蓬砂甘汞丹礬石白膽礬阿片等一二釐

許加砂糖為極末施之豫所常用右件藥末二釐砂糖八錢研勻之

第二水解劑 蓬砂甘汞丹神妙石酒石鹽附鹿角鹽

梭魚膽液附錄峻腐石安的謨弱吐酒石附錄黃礬石附錄蘆薈

等一二釐許以水或蜜入錢解點之

第三膏油劑 赤汞丹龍腦鑄爐精附錄等加蝮蛇脂附錄新

牛酪或其他油類以為點眼膏劑也

第四調製劑 蒼精水附錄赤明膏附錄及速爹苛速人名治眼

香油味也

用右件諸劑能開其眼瞼可以小羽點其角膜如此每日

數回一二月間可施之若由此催疼痛者可以溫乳汁洗之而右之劑仍可每日施之

其三黴毒症 此症則患自黴毒發劇症焮腫眼後而發焉或黴毒直侵淫于角膜亦發焉

不路乙斯曰名哲鞞屋法業速人名自黴毒發角膜曇暗發于小兒則不治云然余屢以蒸眼水銀湯治之

治法 內服甘汞丹外用水眼藥加赤汞丹或膽礬水加升汞丹一釐六毛或施蒸眼水銀湯

其四鴉癩毒症 此症則多發于罹鴉癩之小兒也

治法 內服解熱皮悉鳩烏答黑汞丹外用解熱皮煎湯

或水眼藥等加勿耨茶石鹼

其五痘毒症 此症則痘瘡後過一二七日或兼焮腫或不然痘毒浸淫於角膜以為曇暗又從此變角膜蒲萄腫者多

治法 內服下劑及解熱皮外用宜施前自然症之治方也用酪狀安的謨溺亦良也

其六角膜皺縮症

治法 見角膜皺縮症

其七角膜蒲萄腫症

治法 用酪狀安的謨溺詳見角膜蒲桃腫症

其八併症 此症則重症焮腫眼角膜蒲萄腫及膿瘍其他諸眼之所併發也

治法 宜各治其本病而後祛其角膜曇暗也

角膜污點

此症則於角膜各處有曇暗不透徹所也

病因 如前角膜曇暗症

類證

其一薄點症 此症則其污點或如烟或如雲或如霧而不全濃厚也是粘稠之液滯在角膜透明之細絡中也

治法 如自然發角膜曇暗症



其二濃點症 此症則其污點或白或黃而全為稠厚也  
治法 可用峻腐石水劑又宜用前角膜全曇暗症之方  
法也

不路乙斯曰名哲速微每與人與服諸升汞丹以治之云

豫閱西洋書中備載速微每所發明升汞丹劑又拔羅

有奇効余試其方取効每多其方法別記之

人健有能治此症之散劑其方白砂糖白堊赤石脂酒

石錄附各等分為極末可徐擦污點上尤宜久施焉每用

有奇効蓋用此劑則焮腫亦自消除

其三真珠樣症 此症則甚稠濃之污點其色如水晶帶  
淡青宛然真珠之狀而為塊堆硬結也此殆為不治然試

用後方可

第一峻腐石或酪狀安的謨溺或芫菁水錄附黃譽石等塗

其硬塊結點之表面可以消除之

第二所行于其點面之術種種有焉便以揩鏡豫按以鋼

揩摩具細小鑪硝子片屑等抓除之也

第三以小刀切除之

第四以鍼穿其點面作許多針眼細孔也

第五以鉞鍼少切破之以酷烈水劑豫云是峻腐石或酪

劑點之令其硬塊為膿瘍以潰散也

其四弓樣症 此症則發污點於角膜全圍或其一方宛

作弓形以迴焉而角膜中央少許處尚存透明也此症多  
于老人故又名老人弓點此由老年稍致衰弱而角膜透  
明之細絡亦隨致合著所發也此為不治

其五癍痕症 此症則細長之點也即是角膜外創或潰  
瘍後透明之細絡為合著而其地為痕點也然以尖銳利  
器創傷角膜則不成巨痕猶如依內翳剔出作創於角膜  
也又由尖鋒鈍器及潰瘍所破傷者大率成巨癍也此症  
治者鮮矣

角膜翳

此症則膜樣之翳其形猶鳥之張翅多自內眥出漸漸蔓

延于白膜外面遂至以蔽角膜上也

近因 是淚阜或半月樣膜之脈絡纖維弛解致延長也

本因 淚阜或半月樣膜之焮腫若酷厲液浸淫其部也

類證

其一細釘狀症 此症則其形如細釘灰色而軟且無疼  
痛也

治法 施藥劑或截斷法藥劑則膽礬濃水劑峻腐石酪  
狀安的謨溺或枯礬加砂糖等用之截斷法則以小鉸子  
夾揭其翳膜令以作縮襪可以小刀徐徐截除之  
蓋此翳膜唯其緣固著角膜者則術易施也其悉固著焉

者則難令作縮裨故術難施也

其二厚布狀症 此症則與前症異也其翳厚其色赤且多見赤脈而發自白膜以被覆角膜上也

治法 第一可截斷自內眥輸養液於翅膜之脈管即截斷養長翅膜之源故翅膜自致枯縮消化也第二可用腐蝕劑消除之第三可自其翅翳及淚阜截去之

其三驗惡症 此症則其色不一白膜為脈腫以疼痛也此其原自癩瘡而起者也

治法 在除癩毒然為難治 其四脂樣症 此症則軟而無痛黃色為小塊之翳宛如

一塊片脂大抵自外眥出白膜而蔓延角膜者亦然為生涯難除之症

治法 可截去之特截去出角膜者為要

角膜蒲桃腫

此症則角膜之質曇暗而反常甚厚也

近因 是稠液滯留於角膜間而相阻隔角膜之表面與裏面也

本因 此由荏苒焮腫眼或角膜打撲傷或痘瘡餘毒侵入角膜所發也

類證

其一全腫症 此症則角膜全厚腫也此類每多為曇暗之角膜其腫起宛如銃丸甚則自眼窠突出壓下瞼以外反或延長至頰以摩擦外皮由此皮膚剝落眼球亦暴露空氣充滿瞼圍下瞼睫毛因戟刺眼球頻發疼痛燠腫且生小疱

治法 其初發可用冷水或丹凡水消散其污液其經久者可以酪狀安的謨泥治之其用之法能開其眼瞼而酪狀安的謨泥一滴以小羽塗其角膜曇暗處或隔日一回或三日一回若患者由此發疼痛則可速以新乳汁洗灌之

不路乙斯曰拂郎斯國名工眼科雅寧名人每嘆稱斯法其後大學師力古跣羅名人亦試斯法特嘆曰此安全療法其功尤奇

其二叢簇症 此症則其腫如肉粒攢簇其數多連而大於鍼頭也

其三各處症 此症則角膜之一處曇暗腫起頗類小蒲荀子也

其四剛膜症 此症則小腫帶青色似青小蒲荀子此生自剛膜而突腫于白膜也

治法 以上三症共可如前症治之

其五透明症 此症則角膜不曇暗亦不變為厚透明本質而甚突腫也此症是眼目水腫之初發見徵也

治法 見眼目水腫症

其六兼症 此症則兼發焮腫眼角膜膿瘍蒲桃膜生著眼瞼外反角膜肉粒其他眼疾也

治法 先治兼症而後可治其本病也

其七蒲萄膜症 此症則蒲萄膜突腫成蒲萄腫也

治法 見蒲萄膜突垂症

### 角膜膿瘍

此症則膿汁之聚于角膜間也此症徵候則白而突起及

軟小疱在角膜而流動此可以知與前角膜污點症異也

### 類證

其一淺症 此症則角膜淺為膿腫也是自焮腫眼所發而為不危也

治法 可用退焮劑

其二深症 此症則角膜間深為膿腫也其腫裏面潰破而其膿混入水樣液中則有以成膿眼外面潰破則有以成角膜癭瘡若不潰破而其膿乾固于角膜間則有以成角膜污點也

治法 外施蓬砂加砂糖之水劑可以消散其膿如無效

者以小尖刀或內翳鍼破潰其膿腫而後宜從角膜潰瘍  
方法而治之

角膜潰瘍

此症則發潰瘍於角膜之外面或裏面也

病因 此發于患焮腫眼創傷打撲傷痘毒徽毒鵝留毒  
酷厲淚液睫毛內刺角膜膿疱或施截治於角膜翹翳之  
後也

此症候可以角膜有膿口顯知之

不路乙斯曰古之眼科以種種之名命角膜潰瘍即外  
面潰瘍曰苛里泄乙牒力翁為凹形曰革乙落首為焮

腫曰嬰蛤烏首有瘰肉曰白跖列乙翁在角膜緣曰空  
羅劫首然是但為鑿家之易記臆而設之已非有益于  
治術也

類證

其一在外面症 此症則角膜外皮薄成潰膿也此症雖  
蔓延于角膜全圍然不及角膜外而角膜則為白色白膜  
則為赤色也

治法 神妙石水劑或白膽礬以雞子白調勻之可以筆  
端塗角膜  
其二瘡痂樣症

治法 硼砂或神妙石水劑施之如無效者用峻腐石或酪狀安的謨溺或升汞丹等之水劑可以消除之  
其三水綿樣症 此症則贅肉為鬆疏小塊宛如錢頭而起生也

治法 或截去其贅肉或以峻腐石點之最後為導泄其毒施發泡膏打膿法於他諸部且隔日用下劑  
其四黴毒症

治法 飲服水銀劑附錄而升汞丹少許以玫瑰蜜調勻點之  
其五鵝瘤毒症

治法 內服治鵝瘤之劑外施解熱皮煎汁

角膜瘻

此症則發瘻瘡於角膜也其成膿管或向上或向下若橫若直若屈曲而見焉

其一全貫通症 此症則其管孔自角膜表面貫裏面也此症視其瘻孔知之或以水樣液自其孔流出知之或以

瘻瘡為貫通而經久者則角膜陷凹以刺衝虹彩而發瞳孔縮小或虹彩附著角膜或為焮腫等之症也

不路乙斯曰角膜致皺縮陷凹者以水樣液自其管孔

而漏出故也

治法 第一可用膽礬水或蘆薈或硼砂加砂糖之水劑消除其瘻瘡第二可用芫菁及峻腐石水劑或酪狀安的謨溺點其瘻口第三可以內翳刀見內翳眼症截開其瘻管其三不全貫通症 此症則瘻管底不貫通角膜裏面也由此如白管而見焉或角膜雖為曇暗然不皺縮也便可以此辨知之

治法 用前症藥劑若無効者乃可截開之內服可用清血劑

角膜創傷

此症則角膜或截斷之或刺破之也此兩症共必流出水樣液而角膜致皺縮也

類證

其一創傷症 此症則以銳利之器截斷之也然閉合眼瞼大抵一晝夜差不復成創痕也

其二刺破症 此症則流出水樣液而角膜為陷凹也然其創大抵一晝夜愈而水樣液復充之也

其三打撲症 此症則每成膿瘍而不速愈且成顯然瘡痕也

其四破裂症 此症則打撲傷或膿汁或水液聚滿於眼



中以致破裂也此症眼內諸液自創口而漏出成不治之盲也詳見膿眼症

其五兼虹彩或硝子液突出症 此症則妨角膜創之瘥也

治法 見蒲萄膜及硝子液突出症

角膜皺縮

此症則角膜致皺縮陷凹也

近因 此由脫失水樣液所發也

類證

其一外創症 此症則或截斷之或刺破之貫徹角膜以漏出水樣液也此症一晝夜自愈

其二角膜癭瘡症 此症則由癭瘡為貫通所發也

治法 便治則以一薄膜豫按小膜謂慕實也布貼其癭

口以防水樣液之常漏去也本治則宜治其癭瘡詳見角

膜癭瘡症

其三水樣液不足症 此症則由老人熱病或峻下之後

或逢氣候之酷乾燥等所發也

治法 用性良食餌而外施滋潤劑

其四死症 此症則水樣液自角膜蒸散漏去其後無復

新生來以致皺縮陷凹也是故死人角膜則為皺縮曇暗

因此症為死徵陳者皆自角膜之膝理滲瀉而出其新

即科新書  
者又更生來也然至將死之時則唯蒸散而去無復新生來也

角膜膿疱

此症則生小膿疱於角膜外面也

類證

其一 焮腫症 此症則由焮腫生膿疱也

治法 用金公水或膽礬水

其二 酷厲液症 此症則酷厲諸惡液之所發而特多於痘毒侵入角膜者故每多小兒患之

治法 頻用下劑點乾燥水劑錄附而宜從由痘毒發焮腫眼之治法而療之

角膜水疱

此症則發實水液之小疱於角膜外面也

類證

其一 單症 此症則不焮痛不膿腫之小疱而易消散也

治法 刺破其水疱而施乾燥水劑也

其二 酷厲液症 此症則水疱周圍作焮赤腫痛也

治法 下劑為要而點乾燥水劑

角膜肉粒

此症則生軟赤小肉粒於角膜外面也

不路乙斯曰名工力鳩跣羅名截斷此肉粒即硬瘻肉

也又截斷之而有三新生者

近因 是為蒸發之水樣液留滯于角膜以致凝固也

類證

其一單症 此症則唯生肉粒於角膜而不兼他眼症也

治法 用峻腐石水劑或酪狀安的謨弱可以消除之

其二兼症 此症則角膜膿瘍或蒲萄腫等之所兼發也

治法 同前症

眼球病篇第七

眼球減耗

此症則眼球盈實之本質致瘦小減耗也

近因 是眼球所實之諸液為消耗不足也

類證

其一硝子液少為流泄症 此症則由創傷或內翳剔出

所發也此隨經時日自當復治

其二膿化消耗症 此症則硝子液化膿以消散也此為

不治

其三酷厲毒症 此症則由頭面疥癬致內攻其毒浸淫

眼球所發也

治法 施打膿法於耳後可以催起其毒也

其四眼內脂肪烱解消滅症 此症則眼球深沒而目窠

為陷凹也

治法 摩擦眼球可以衝動之

其五 眼液漏泄症 此症則由眼球外傷膿瘍等致破裂  
眼內諸液悉漏去而全球縮結為細小也此症可容儀眼也

牛眼

此症則全球大突起盈脹由此眼瞼不能合閉掩覆也

類證

其一 焮腫症 此症則自重症焮腫眼所發也

治法 宜從重症焮腫眼之法

其二 聚膿症 此症則由膿汁之聚滿球內所發也

治法 見膿眼症

其三 聚血症 此症則由血液之聚滿球內所發也故此  
症眼球赤色而突起窠外也是自眼目暗傷或婦人經閉  
或難產或勉強極力等所發也

治法 頻行刺絡用下劑而外施冷水或金公水

其四 病毒流移眼目症 此症則由熱病毒徽毒鴉瘤毒  
或乳汁溢滿等所發也

不路乙斯曰更咄籠人之說一少年自鴉瘤毒發剛膜  
水腫其大如雞卵云

治法 從重症焮腫眼之法且用清血劑

其五癌毒症 此症則癌毒流移眼目以為腫脹也其腫率如拳大而自眼窠突出也

治法 見眼球癌症

其六水腫症 此症則水液大聚于眼球也

治法 見眼目水腫症

其七角膜膨脹症 此症則角膜曇暗而為厚也由此眼臉不能掩覆也

治法 見角膜葡萄腫症

眼球突出

此症則眼球上下若左右突出延長或有低垂及頰者然

其眼球之大皆不異于常也

類證

其一外傷症 此症則由打撲眼目極重眼球忽突出延長也若或令鑿神經弛延者即時成盲也

治法 即時納其眼球以復本位而後施退焮慰藥方且兼用冷水慰之如是施法則不翅眼球復位其瞳孔亦全復故其平愈出於意外也

不路乙斯曰名工宅鳩列羅云以此法屢取平安之功

其二眼窠內腫瘍症 此症則由眼窠內生骨塊樣腫石

眼科新書

灰樣腫水綿樣腫脂樣腫固結腫膿腫粘液瘤翳瘤以上腫瘍  
共詳于瘍醫新書等或眼窠內脂肪為硬結因壓出眼球令以延長所發也

治法 可施水銀劑及導泄劑若其腫不消除者可潰破之或行截斷法可以自眼窠取出之其他無術

其三眼筋麻痺症 此症則由眼球之直筋為麻痺不遂斜筋為緊張所發也

治法 健神劑主之它羅溺蛤其他用此類其四角膜蒲桃腫症 此症則其腫勢甚者有壓其下臉以突垂至頰者也

治法 施酪狀安的謨溺詳見角膜蒲萄腫症

眼球癌

此症則生癌結於眼球也

近因 是癌毒之侵入眼膜也

類症

其一尋常症 此症則眼目平全時眼球乍發疼痛而後白膜生脈腫瘀血充滿其細絡中患者因遂盲其後疼痛尤甚眼球全固結腫脹漸變為赤肉樣也

其二水綿樣症 此症則其初發生贅肉樣腫瘍於角膜及白膜而漸漸蔓延眼球全腫脹疼痛亦甚而變水綿狀

也  
 治法 第一其初發可試用眼瞼癌之諸法第二輕小癌腫可紮切之如無效者可以所舉于後之療術全除去其眼球也凡癌毒蔓張于眼球者皆以此術療之然癌毒既經久者或其原自內部而起者或眼窠骨既腐壞者則無效矣

剔除眼球療術所用之諸品

直小刀

勾小刀

勾剪刀

其尖鈍圓而少勾者其形如連指羅緣按連非羅者未詳唯內翳剔出療具中有曰連非羅小

七者恐其剪刀形如小七而謂之系

曲鍼

綿撒系

按定巾

眼縛帶

患者坐居法

先使患者憑椅子以向晴明而傍人捉定其頭無以動之醫師則向其前而立

第一先以直小刀截廣其外眥接合處凡二分許而令傍人揭舉上瞼至眼窠緣以露眼球也

第二自眼球與上瞼之間沿眼窠骨上緣截開其白膜可以離眼球所著上瞼處也

第三反出下瞼亦如前沿眼窠骨下緣截開其白膜可以離眼球所著下瞼處也

第四以穿蠟絲曲鍼貫眼球前部可以其絲兩端自眼窠內牽出眼球也

第五雖牽出眼球於前有脂肪諸筋自眼窠周圍繫著眼球不以離拔乃可以勾小刀或勾剪刀悉截離之

第六悉截斷其所繫著焉者以廣其周圍而以勾小刀或勾剪刀截斷鑿神經帶可以全取出其眼球也

第七以指搜眼窠孔內尚有硬塊觸手者則截去之可以淨刷焉

第八以綿撒糸填實孔內而置按定巾行縛帶焉三日間勿動之

第九塗空羅蛤屋速名香油錄附於窠內脂肪令以生肉宜適內儀眼之宜也詳見膿眼症

眼球緊急

此症則運動眼目之諸筋為拘急攣縮也○此症可以其不能轉運眼球辨知之

類證



其一創傷症 此症則為施療術於內翳眼以鍼或小刀刺之時眼球乍緊急不以動也此由眼筋之為拘急所發而須臾復自退也

其二兼發症 此症則由體躬患熱病或瘧病之波及眼目所發也

治法 可用各治其本病之方法

眼球瞶動

此症則眼目為抽掣瞶惕不以休也此症其為瞶動也上下左右無次序亦無間斷或虹彩亦俱為牽動也

類證

其一恐怖症 此症則臨施手術於內翳眼所發也施術之前宜預諭患者以安焉若臨其時而發者少選停術則必自止也

其二砂塵入眼症 此症則取出其所入者則自止也

其三閉遏蒸發氣症 此症則感冒之所兼發也

治法 在治感冒

其四腸胃有污物症 此症則由腸胃中有污物或蛔蟲

所發也

治法 有污物者用下劑滌除之有蛔蟲者用殺蟲劑征

之

其五兼發症 此症則搐搦病子宮病癩症或孕婦之所兼發也

治法 用鎮痙劑而宜各治其本病

剛膜創

此症則白膜或剛膜截斷之或刺傷之也

類證

其一截斷症 此症則由截斷剛膜卒然流泄硝子液也然此症令閉眼瞼施兩眼按定巾而行縛帶焉則不日當差

其二刺傷症 此症則由施手術於內翳眼誤刺剛膜之

類也然至漏泄硝子液者罕而每得速愈其三硝子液兼突出症 此症則硝子液自其創處而突垂也

治法 見硝子液突出症

眼球脫失

此症則隻眼或雙眼共脫失也

類證

其一稟受症 此症則多是兩眼共缺脫也豫嘗見初生兒兩眼共缺

其二損傷症 此症則由撞傷或潰瘍或眼球剔出等全

脫失眼球也

凡此類用儀眼隱蔽其不具之外更無伎倆儀眼則見膿眼症

眼目過多

此症則兩眼之外更有眼目也其人天稟之所令然有三眼者有四眼者其尤奇異者胸或肩有眼目也

葡萄膜病篇第八

豫云葡萄膜者即脈絡膜之前部而自角膜透視以種種成間色曰虹彩或因其所見名之也此篇或曰虹彩或曰葡萄膜是同膜而非有二膜也

瞳孔潤大

此症則瞳孔散大以妨視力也然亦有不妨焉者凡此症

有居恒為散大者或有自見赫然光輝而發者或有自望渺然曠遠而發者

類證

其一黑障症 此症則瞳孔潤大而兼黑障也此症非治其黑障則其潤大治者殆罕矣

其二頭腦水腫症 此症則由腦為水腫所發也此為不治

其三蛔蟲症 此症則由腸胃中有蟲疾所發也治法 可用殺蟲劑及下劑

其四葡萄膜與水晶囊為生著症

治法 見蒲萄膜生著症

其五麻痺症 此症則蒲萄膜之緯纖維為麻痺不遂也此由體躬非病或施麻澁劑於眼目所發也

治法 空羅溺蛤閃光機及其他衝動劑宜用之

其六攣急症 此症則蒲萄膜之經纖維為掣抽攣急不

如常度括約也此由子宮病或有攣急病所發也

治法 鎮痙劑及健神劑可用之

其七衰弱症 此症則虹彩之纖維為收束括約之精力致衰弱也此每多由自瞳孔取出其內翳大者因其孔為廣所發也此症施治之後有不日治者或有經久為常而

不治者

治法 勉見細小而有輝光者或視物形遠隔或極眼力

疑矚諸物可以令瞳孔收小為要也又穿黑紙小孔著諸眼目每日向明處可以闕視諸物也

其八平常自然症 此症則平常睡眠中或在暗處則為散大或視諸物其物與眼近接而視焉則為散大也

瞳孔收小

此症則瞳孔失常以致甚收小狹窄也此症在暗處亦尚為收小由此患者視力之弱而發晝視晚盲及其他眼症也

類證

其一拘急症 此症則蒲萄膜之緯纖維致拘急攣縮也  
此由脾病攣急病子宮病等所發也

治法 用鎮痙劑

其二麻痺症 此症則蒲萄膜之經纖維致麻痺不遂也  
此痲病或麻痺不遂症之所兼發也

治法 用衝動劑

其三焮腫症 此症則由蒲萄膜之為焮腫所發也譬如  
自眼球內部焮腫或膿瘍或創傷等而發之類也

治法 施刺絡及用退焮劑詳見內部焮腫眼症

其四常慣症 此症則自久視細微者若所遠隔之物若  
赫乎有光者所發也此症每發于讀書或書寫或營微巧  
或日執顯微鏡等人也

治法 休視前所說起因之物又休在暗處而視物唯可

視綠色籬垣也 籬垣猶如我邦之樹垣也

其五角膜陷凹症 此症則由水樣液之為不足所發也

治法 在增補水樣液詳見角膜皺縮症

其六稟受症 此症則生而瞳孔為收小也

治法 可橫截開蒲萄膜詳見瞳孔縮閉症

其七自然症 此症則視赫乎有光者若所遠隔之物則

自為收小也此症頃刻自治

瞳孔縮閉

此症則瞳孔全為收縮緊閉或為生著也

此症瞳孔全不見焉而患者則覺如平常之人全閉眼驗也

類證

其一稟受症 此症則生而無瞳孔也

治法 在新造瞳孔其法先橫截角膜而於蒲桃膜之瞳孔所當在而少近鼻處可以拉法乙葉名人之小刀橫造孔也然由無蒲萄膜所發者為不治也豫按內翳剔出之療具中有稱拉法乙葉

之泄乙速的咄首者此截角膜之物後開水晶囊之具也蓋與此同物

布路乙斯曰蘓亦齊亞名醫惡牒加屋速名說云一婦人三歲時由痘毒患焮腫眼右眼已膿壞矣左眼焮腫退後黃白如厚膜者覆角膜上遂以成盲其父母以為右眼則已膿壞矣不可以治也左眼則若用醫藥猶或有治矣乃受治眼科可凡一年漸以其藥功少得見焉其後至其幹事則僅得自辨焉然角膜中央尚有黃白膜樣之覆焉而近外眥處纔為透明其婦後經二十年於彼為透明之下底蒲桃膜之處別自生孔如小魚眼許光輝乃從此入得以視焉又一農夫誤治焮腫眼後

兩眼俱生白點覆角膜中央遂成目盲此亦左眼於蒲桃膜上部自生一小孔白點雖不退由此物形自其新孔而透影得以視焉余由此按之角膜中央有不治之病邪瞳孔致縮閉邪將曇暗水晶液固著瞳孔邪由此等成盲者皆以內翳鍼穿新孔於蒲桃膜則必當發明得以視焉也

豫按於蒲桃膜別自生孔於理似可怪然人靈自然之良能可謂必無其理乎蓋西醫固尚窮理故每逢異症必發明異術也

其二瞳孔瘥合症 此症則自蒲萄膜之發焮腫若潰瘍或自水樣液及硝子液之為不足或自施手術於內翳之

後皆發此

治法 可如前症新截開瞳孔

其三角膜與虹彩離隔症 此症則由角膜輪圍之纖維為分離不能以護持虹彩而瞳孔全部或一方為牽縮也治法 瞳孔由此雖反常變形不妨害其瞻視者則不用新造瞳孔也

其四兼症 此症則兼黑障內翳眼蒲桃膜附着或其他眼疾發之也諸兼症之中唯兼黑障者不能別明暗也何則唯為瞳孔縮閉者譬如闔眼瞼猶得別明暗也其兼黑障者絕無別之兼他諸症者則須熟察其瞳孔而辨知之

也

治法 先初治其兼症而後可療此症也

其五瞳孔閉塞症 此症則由粘液膿塊血塊等之室塞

瞳孔所發也

治法 用適宜之劑不消除者先截開角膜而可以達非

羅人之小七取去其所壅塞者也豫按內醫療具中有曰

與此同物蓋達非羅是姓而拉法乙葉是名也夫

蒲萄膜生著

此症則虹彩生著於角膜或水晶囊也

近因 由蒲萄膜為焮腫所發也

本因 此由角膜陷凹蒲桃膜突出內翳療術膿眼或天稟等所生著也

類證

其一全附著症 此症則蒲桃膜與角膜全相附著也此類熟察其眼中可以知之此症由瞳孔為散大或收小或縮閉等其妨害瞻視亦各不一也

治法 可以小刀或消息子離角膜與蒲桃膜然既經久而盈生瘀物於角膜及蒲桃膜者則其術甚困難而危矣其未經久者先截開角膜而用如篦消息子入虹彩角膜之間可以徐離之然其難離者姑停療術可以漸離之勿



一舉離之

其二各處附著症 此症則不全附著唯蒲桃膜一處為附著也即隨其所附著而瞳孔亦為種種異形且不如常為運動也

治法 如以內翳刀是上方則鈍而一方則利剔出內翳之法刺于角膜入於前室其所附著處可以小刀背自其下方推離於上方也每由此術得以治焉

其三前面附著症 此症則不唯蒲桃膜悉為突出水晶液亦俱突出而其囊固著角膜由此眼室謂三液全為顛敗也此症雖離其所附著更無益矣

其四後面全生著症 此症則虹彩生著於筵晶線及水晶晶囊也

其五後面各處生著症 此症則蒲桃膜之各處生著於水晶晶囊也

治法 先截角膜而用消息子端少勾者入蒲桃膜水晶晶囊之間可以徐離之

其六兼症 此症則黑障內翳眼瞳孔收小或縮閉等兼發之也

治法 先離蒲桃膜所生著而宜各從其兼症而治之  
蒲萄膜突垂

此症則蒲萄膜由角膜之被創傷若罹潰瘍致突垂也凡此症帶黑色小塊自角膜突出也但隨其所突出大小形狀而種種為之區別

不路乙斯曰厄勤西亞國之眼科依其所突出大小形狀各異其名其大其色如蠅頭者名之惡惡泄欲畧木稍大如葡萄核者名之速答歇乙羅首乙力疾速最大而突出臉外者名之滅籠其硬結成腫樣其狀如鐵釘頭者名之苛籠或名之蛤拉休速

類證

其一新突垂症 此症則虹彩由作角膜廣創為突垂也

治法 用細小消息子自角膜創入可以推納其突出而復本位或令闔眼臉可以手指摩擦納之或可以明礬水點其突出上凡作廣創於角膜則損害蒲桃膜者多其二經久症 此症則蒲萄膜由創傷若潰瘍為突垂既已經久而其硬結成腫樣也此類不能以手術納之也治法 或隔日或三日一回可以酪狀安的謨溺塗上其突出處也此症雖有截斷之繫切之之法多是無益也

蒲萄膜創

此症則蒲萄膜被創傷也

類證

其一橫創症 此症則由施內翳手術誤創傷之而其創不再如故瘥故其瞳孔亦為異形也  
其二豎創症 此症則由截開瞳孔縮閉症或其他事被創傷也此症大抵一晝夜自愈

瞳孔變形

此症則變瞳孔圓形之常而為異形也

類證

其一椭圆形症 此症則大抵出於天稟自然也然不妨其瞻視亦不異乎平常也此為不治  
其二下方廣症 此症則由為施內翳手術強牽其蒲桃

膜所發也此症二三日自當差

其三毀損及破裂症 此症則自剔出內翳之後或創傷蒲桃膜或發焮腫之後所發也此為不治

瞳孔異常 豫云此症與前症如區別不分明雖然前症唯舉瞳形之異于常此症則不唯舉瞳孔之異乎常也

此症則瞳孔異乎常也

類證

其一蒲萄膜橫創症 此症則如於前蒲桃膜創傷症所說也

其二角膜與蒲桃膜為離隔症 此症則蒲桃膜與角膜

周圍一處或各處有所離隔也此自頭部或眼目打撲傷  
或膿眼或蒲桃膜焮腫等之後所發也又未有他病因患  
者亦不自覺其所以發而瞳孔全縮閉或收小而有蒲桃  
膜周圍一處或各處有所離隔者此等之症全為不治

瞳孔不定

此症則瞳孔時時若平日或散大或收小而開縮不定也  
近因 此由蒲桃膜之經緯二纖維或為牽縮或為弛緩  
所發也

治法 宜從眼球調動症之法而療之

瞳孔不動

此症則瞳孔在暗處而不收小在明處亦不濶大居恒不  
為開縮也

濶大

收小

近因 此由蒲桃膜之經緯二纖維致麻痺不遂所發也

類證

其一兼黑障症

治法 用空羅溺蛤及其他衝動劑然黑障則非此治之  
所能也

其二因他眼疾症 此症則由瞳孔生著或收小縮閉等  
所發也

治法 宜各探之病因以治其瞳孔病也

其三自然症 此症則不有顯然病因而自然所發也故  
聖藥建生保命丹每服結而通其神效

多是不可辨知焉  
治法 乞羅溺蛤准劑下劑白頭翁煎熬等宜用之又可  
以轉弗忙名鎮痛液附錄塗擦其眉上也

眼科新書卷之三 終



